

ხელშეკრულება №84

ქ. თბილისი

19 აპრილი 2012 წ.

ჩვენ ქვემოთ ხელის მომწერნი, ერთი მხრივ-საქართველოს უზენაესი სასამართლო (შემდგომში - „შემსყიდველი“) მისი საფინანსო-სამეურნეო განყოფილების უფროსი ირაკლი გოცირიძე და მეორე მხრივ შპს „ორისი“ (შემდგომში - „მიმწოდებელი“) მისი დირექტორი დავით გოთოშია, საქართველოს მოქმედი კანონმდებლობის საფუძველზე, გამარტივებული შესყიდვის საშუალებით ვდებთ ხელშეკრულებას შემდეგზე:

1. ხელშეკრულების საგანი

1.1. ხელშეკრულების საგანია საბუღალტრო პროგრამა ორის ბუღალტერიის ხუთმომხმარებლიანი ერთვალუტიანი პროგრამის განახლების შესყიდვა (A05S/U) (SPV48440000).

2. საავტორო უფლება

2.1. კომპიუტერული პროგრამა და სახელმძღვანელო წარმოადგენს შპს „ორისის“ საკუთრებას და დაცულია კანონით.

3. სალიცენზიო უფლებები

3.1. პროგრამის ერთკომპიუტერიანი ვერსიის ლიცენზიის შემთხვევაში, „შემსყიდველს“ უფლება აქვს იმუშაოს ერთ კომპიუტერზე, ან ქსელური ლიცენზიის შემთხვევაში – ლოკალურ ქსელში ჩართულ შესაბამისი რაოდენობის კომპიუტერზე.

4. უფლებების გადაცემა

4.1. „შემსყიდველს“ შეუძლია გადასცეს სალიცენზიო უფლებები მესამე მხარეს იმ შემთხვევაში, თუ მესამე მხარე თანახმაა შეასრულოს მოცემული სალიცენზიო ხელშეკრულების ყველა პირობა. ამ შემთხვევაში, „შემსყიდველმა“ უნდა გადასცეს მესამე მხარეს პროგრამა და სხვა თანხმებული მასალა, ხოლო „შემსყიდველმა“ თავის კომპიუტერზე უნდა წაშალოს პროგრამის ყველა ასლი.

5. შეზღუდული გარანტია

5.1. „შემსყიდველის“ მიერ პროგრამის შეძენიდან ერთი წლის განმავლობაში შპს ორისი უზრუნველყოფს პროგრამის კომპიუტერზე დაყენებასთან და სარგებლობასთან დაკავშირებულ სატელეფონო და საკონსულტაციო მომსახურებას შპს ორისის გერიგორიაშვი. შეძენიდან ერთი წლის განმავლობაში „შემსყიდველს“ უფლება აქვს მიიღოს პროგრამის განახლებული ვერსიები, იმ შემთხვევაში თუ პროგრამის განახლებული ვერსიები გამოშვებული იქნება შპს ორისის მიერ აღნიშნულ ვადაში.

6. გარანტიების არარსებობა

6.1. პროგრამა და სახელმძღვანელო წარმოდგენილია „როგორც არის“ ისეთი ფორმით და შეიძლება არ შეესაბამებოდეს „შემსყიდველის“ ყველა მოთხოვნას. შპს „ორისი“ არ იძლევა გარანტიას, რომ პროგრამა უშეცდომოა. შპს „ორისი“ არანაირ ვითარებაში არ იღებს პასუხისმგებლობას მონაცემთა, ფულად, პირდაპირ ან ირიბ დანაკარგებზე, რომელიც შეიძლება გამოწვეული იყოს პროგრამის გამოყენებით ან გამოყენების შეუძლებლობით, იმ შემთხვევაშიც კი თუ შპს „ორისი“ წინასწარ იყო ინფორმირებული ამგვარი დანაკარგების შესახებ. არანაირ ვითარებაში დანაკარგების ანაზღაურების თანხა არ შეიძლება აჭარბებდეს „შემსყიდველის“ მიერ ფაქტიურად გადახდილ პროგრამის ღირებულებას.

7. მომსახურების მიღება-ჩაბარების წესი

7.1. მომსახურება განხორციელდება ხელშეკრულების გაფორმებიდან არაუმეტეს 10 კალენდარული დღის განმავლობაში.

7.2. მომსახურება ჩაითვლება გაწეულად მიღება-ჩაბარების აქტის გაფორმების და საგადასახადო დოკუმენტაციის წარმოდგენის შემდეგ (ინვოისი, ანგარიშ-ფაქტურა).

8. მომსახურების ღირებულება და ანგარიშსწორების პირობები

8.1. ხელშეკრულების საერთო ღირებულება შეადგენს 313.60 (სამასცამეტი ლარი, 60 თეთრი) ლარს.

8.2. მომსახურების ხარჯების ანაზღაურება მოხდება „მიმწოდებლის“ მიერ წარმოდგენილი დოკუმენტაციის საფუძველზე, საქართველოს ეროვნული ვალუტით, უნაღდო ანგარიშსწორებით „მიმწოდებლის“ მიერ მითითებული რეკვიზიტების მიხედვით.

8.3. ანგარიშსწორების ვადა (გრაფიკი): საანგარიშსწორებო დოკუმენტაციის გაფორმებიდან არაუმეტეს 7 კალენდარული დღე.

9. ცვლილებები

9.1. ხელშეკრულებით განსაზღვრული ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები „შემსყიდველისათვის“. ცვლილებები შეიძლება განხორციელდეს მხოლოდ „საქართველოს სამოქალაქო კოდექსის“ 398-ე მუხლის თანახმად.



9.2. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. ფორს-მაჟორი

10.1. ხელშეკრულების პირობების დარღვევად არ ჩაითვლება შემთხვევა, როცა რომელიმე მხარე ვერ მოახერხებს თავისი მოვალეობის შესრულებას საყოველთაოდ აღიარებული ფორს-მაჟორული მოვლენების ზემოქმედების გამო.

10.2. ფორს-მაჟორული გარემოებების აღმოფხვრის შემდეგ მხარეები შეთანხმდებიან ხელშეკრულებით ნაკისრი ვალდებულებების შესრულების ახალ ვადებზე.

11. ხელშეკრულების შესრულების კონტროლი

11.2. ხელშეკრულების შესრულების კონტროლის განხორციელების მიზნით „შემსყიდველ“ ორგანიზაციაში გამოყოფილია კოორდინატორი – ლაშა კაკაურიძე, უზენაესი სასამართლოს მთავარი ბუღალტერი.

11.2. კოორდინატორის ფუნქციებია: გაწეული მომსახურების ხარისხისა და ვადების ხელშეკრულების მოთხოვნებთან შესაბამისობის დადგენის მიზნით სათანადო კონტროლისა და ზედამხედველობის განხორციელება, ხელშეკრულების პირობების თანახმად „მიმწოდებელთან“ ანგარიშსწორების პროცესის რეგულირება.

12. მხარეთა უფლება – მოვალეობანი

12.1. ხელშეკრულებიდან გამომდინარე წარმოშობილი სადავო საკითხები წყდება მხარეთა ურთიერთშეთანხმების გზით. უთანხმოების შემთხვევაში დავა განიხილება სასამართლოში საქართველოს კანონმდებლობის შესაბამისად.

12.2. წინამდებარე ხელშეკრულების პირობები ვრცელდება მხარეებსა და მათ წარმომადგენლებზე.

12.3. წინამდებარე ხელშეკრულება შედგენილია თანაბარი იურიდიული ძალის მქონე სამ ეგზემპლარად (ორი – „შემსყიდველს“, ერთი – „მიმწოდებელს“).

13. მხარეთა პასუხისმგებლობა

13.1. ხელშეკრულების პირობების დარღვევის შემთხვევაში, კერძოდ, თუ მხარეები ხელშეკრულებით გათვალისწინებულ დროში ვერ შეასრულებენ მათზე დაკისრებულ მოვალეობებს, დადგება მათი პასუხისმგებლობა, რომელიც განისაზღვრება ჯარიმით – ხელშეკრულების საერთო თანხის 0,1%-ის ოდენობით ყოველ გადაგადაცილებულ დღეზე.

14. ხელშეკრულების მოქმედების ვადა

14.1. წინამდებარე ხელშეკრულება ძალაში შედის მხარეთა მიერ მასზე ხელმოწერის მომენტიდან.

14.2. ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ. ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს გადაწყვეტილების ძალაში შესვლამდე მინიმუმ ერთი თვით ადრე.

მხარეთა რეკვიზიტები

„შემსყიდველი“

საქართველოს უზენაესი სასამართლო
საიდენტიფიკაციო კოდი 203860508
ძმ. ზუბალაშვილების №32.
ტელ. 299 09 62; 292 18 35.

ანგარიში:

სახელმწიფო ხაზინა
კოდი TRESGE22
ანგარიში 200122900

„მიმწოდებელი“

შპს „ორისი“

საიდენტიფიკაციო კოდი 206033754
ქ. თბილისი, ალ.ყაზბეგის გამზ.12ბ, Vსართ
ტელ. 238 43 43; 238 39 94.

ანგარიში:

ს.ს. „საქართველოს ბანკის“ ც/ფ
ბანკის კოდი BAGAGE22
ანგარიშის №GE88BG0000000120121601

ი. გოცირიძე

დ. გოთოშია

პასუხისმგებელი შემსრულებელი

